

Evening Dogri News Bulletin, 31 July 2024

इवनिंग डोगरी न्यूज़ बुलेटिन

समे-18:15 Hrs

Headlines

- 1 लेफ्टिनेंट गवर्नर मनोज सिन्हा होरें अधिकारिणं गी निर्देश दिता ऐ जे ओहू लोके दिणं बकाया रौहंदी समस्याएं दा तेजिआ कन्नै नबेडा करोआन ते एहू जकीनी बी बनान जे प्रणाली लोके दिणं जरूरतें प्रति जोआबदेह बनी दी रवै।
- 2 बीएसएफ नै पिच्छले 5एं बरें दरान 54 ज्हार 760 कर्मी भर्ती कीते न। गृह राज्यमंत्री नित्यानंद राय होरें दस्सेया ऐ जे साबका अग्निवीरें लेई विशेष प्रावधानें दी घोषणा कीती गेदी ऐ।
- 3 राष्ट्रपति द्रौपदी मुर्मू होर औंदे शुक्रवारें राष्ट्रपति भवन च गवर्नरें दे दऊं दिनें दे सम्मेलन दी प्रधानता करडन।
- 4 केरल दे वायनाड च ल्हास-पस्सियें करी मरने आहलें दी गिनतरी बधियै 165 तगर पुज्जी गई ऐ। मरने आहलें दी गिनतरी होर बधने दी शैका ऐ।

<><><><><><>

LG-Mulaqat

लेफ्टिनेंट गवर्नर मनोज सिन्हा होरें अज्ज श्रीनगर आले सिविल सैक्रेटेरिए ट च LG's मुलाकात कार्यक्रम दौरान लोके कन्नै गल्लबात करियै उंदे मसले सुने। इस मौके पर उनें लोके थमां हासल शकैतें पर प्रशासनिक सचिवें, डिप्टी कमिशनरें ते सरबंधत अफसरें पास्सेआ कीती गेदी कार्रवाईएं बारै जानकारी लैती। एलजी होरें अफसरें गी निर्देश दिता जे ओहू लोके दिणं समस्याएं गी तेजी कन्नै हल करोआन ते कन्नै इस गल्लै गी बी यकीनी बनान जे प्रशासन लोके दिणं जरूरतें प्रति जोआबदेह बने दा रवै। उनें गलाया जे हाल च गै शुरू कीता गेदा जेएण्डके समाधान पोर्टल ते ऐप दे राहें लोके बडी असानी कन्नै अपनी शकैत दर्ज करोआने दे कन्नोकन्नी मती तेजिआ कन्नै उंदा नबेडा बी करोआई सकडन। श्री सिन्हा होरें आखेआ जे उनें सार्वजनिक सेवाएं दी दस्तयाबी च मती पारदर्शिता आहन्नी ऐ। उनें आखेआ जे उंदा मकसद समाज दे कमजोर तबके दिणं जरूरतें बक्खी ध्यान देइयै लोके गी बा-अखितयार बनाना ऐ। LG's मुलाकात कार्यक्रम थमां बक्ख बाहरें श्री सिन्हा होरें औंदे आजादी आले ध्याडे लेई तैयारिणं बारै जारी कीते गेदे निर्देशें दी अमल-आवरी दा बी जायजा लैता।

<><><><><><>

RS-BSF

पिच्छले 5एं बरें दे दरान सीमा सुरक्षाबल-बीएसएफ च कुल 54 ज्हार 760 कर्मिणं दी भर्ती कीती गई ऐ। अज्ज राज्यसभा च लिखियै दिते गेदे इक परते च केंद्री गृह राज्यमंत्री नित्यानंद राय होरें दस्सेया जे पिच्छले 5एं बरें दरान बीएसएफ च 7 ज्हार 372 नर्मी असामियां कायक कीतियां गेइयां न। उनें दस्सेया जे बीएसएफ च 10 ज्हार शा मती असामियां न। राय होरें आखेआ जे सरकारै बीएसएफ च कांस्टेबल दे औहूदे पर साबका अग्निवीरें दी भर्ती लेई खास तजवीज कीती दी ऐ। उनें आखेआ जे 10 फीसदी असामियां साबका अग्निवीरें लेई आरक्षित न। मंत्री होरें दस्सेया जे साबका अग्निवीरें लेई बहोबद्द उम्र दी हद्द च 3 बरें तगर दी छूट दिती जाग। उनें आखेआ जे अग्निवीरें गी शारीरिक दक्षता दी जांच आला टेस्ट बी नेई देना पौग।

<><><><><><>

RS-CAPF

बरे 2021 थमां लेइयै 2023 तोडी केंद्री सशस्त्र पुलस बल यानि CAPF ते असाम राइफल्स दे 2463 सुरक्षाबलें ज्यूटी दरान अपनी जान गोआई ऐ। इंदे च 112 सुरक्षाबलें कार्रवाई च ते 2351 सुरक्षाबलें ज्यूटी दरान जान गोआई। अज्ज राज्यसभा च लिखित परता दिंदे होई केंद्रीय गृह राज्यमंत्री नित्यानंद राय होरें आखेआ जे इनें शहीद सुरक्षाबलें दे परोआर आहलें गी बक्ख-बक्ख फायदे दिते जांगन। इंदे च 15 थमां लेइयै 35 लक्ख रपे दी सींधी सहायता बी शामिल ऐ।

<><><><><><>

UPSC-Chairman

साबका केंद्री सेहत सचिव ते 1983 बैच दिएं आईएएस अधिकारी प्रीति सूदन होरें गी संघ लोक सेवा आयोग-यू.पी.एस.सी दी अध्यक्ष नियुक्त कीता गेआ ऐ। राष्ट्रपति द्रौपदी मुर्मू होरें उंदी नियुक्ति गी मंजूरी दिती ऐ। ओहू कल पैहली अगस्त गी अपना कार्यभार सांभगन। ओहू डाक्टर मनोज सोनी हुंदी थाहर लै करदियां न जिनें अपना कार्यकाल खत्म होने शा पैहले इस म्हीने इस्तीफा देई दिता हा।

<><><><><><>

LS-Bullet Train

सरकारै अज्ज जोर देइयै आखेआ ऐ जे बुलेट ट्रेन परियोजना तेज रफ्तार कन्नै अगगे बधै करदी ऐ। लोकसभा च अज्ज सोआलें दे समें दरान जिमनी सोआल दा परता दिंदे होई रेल मंत्री अश्विनी वैष्णव होरें आखेआ जे मुख्य च पैहली बारी इस प्रोजेक्ट दे इक हिस्से दे तौर पर समुंदरै अंदर कोई 30 मीटर हेठ 21 किलोमीटर सुरंग दा निर्माण कीता जा'रदा ऐ। उनें आखेआ जे इस प्रोजेक्टर दा 320 किलोमीटर दा बुनियादी कम्म सबूरा करी लैता गेदा ऐ ते आत्मनिर्भर भारत अभियान तैहत केई पहलकदमियां कीतियां जा'रदियां न। वैष्णव होरें आखेआ जे बुलेट ट्रेन परियोजना टेक्नोलाजी कन्नै जुडे दा बड़ा महत्वपूर्ण आला प्रोजेक्ट ऐ।

<><><><><><>

AIIMS OPD

एम्स विजयपुर च कल्लै थमां आम मरीजें आस्तै ओपीडी सेवा शुरू होआ-रदियां न। हुन लोक चेकअप करोआने आस्तै एम्स विजयपुर च आई सकदे न। एम्स दे डरैक्टर डॉ. शक्ति गुप्ता होरें स्हाढे साम्बा दे जिला संवाददाता सतपाल शर्मा हुंदे कन्नै कीती दी तैयारिएं बारै गल्लबात कीती। उनें आखेआ।

<><><><><><>

Governor's Conference

राष्ट्रपति द्रौपदी मुर्मू होर औंदे शुक्रवार थमां राष्ट्रपति भवन च शुरू होने आले गवर्नरें दे 2 ध्याडें दे सम्मेलन दी प्रधानता करंगन। राष्ट्रपति जगदीप धनखड, प्रधानमंत्री नरेंद्र मोदी ते गृहमंत्री अमित शाह हुंदे सने केई केंद्री मंत्री सम्मेलन च हिस्सा लैडन। एहदे अलावा शिवराज सिंह चौहान, अश्विनी वैष्णव, मनसुख मांडविया बी सम्मेलन च हिस्सा लैडन। सम्मेलन दे एजेंडे च 3 नमें अपराधिक कनूनें दी अमलावरी, उच्च शिक्षा च सुधार ते होर दुए सरबंधत खेत्तर बी शामिल न।

<><><><><><>

Wayanad-Landslide

केरल दे वायनाड थाहर ल्हास पस्सियां पौने करी मरने आहलें दी गिनतरी बधियै 165 होई गई ऐ। मरने आहलें दी गिनतरी च होर बाद्दा होई सकदा ऐ। सेना दे त्रवें अंगें, राष्ट्रीय आपदा मोचन बल ते होर दुइयां एजेंसियां सांझे तौरा पर बचाव ते राहत कम्में च लग्गी दियां न। पुलस दे खोजी कुत्ते गी मलबा हेठ लोकें गी तुप्पने आस्तै तैनात कीता गेदा ऐ। रक्षा सुरक्षा कोर केंद्र ते प्रादेशिक सेना बटालियन दी 4 राहत टुकडियां बी इलाके च तैनात न। खोजी कुत्ते बी अज्ज कन्नूर हवाई अड्डे पुजाए गए। सुरक्षाबलें कल रातीं प्रभावित लाहकें थमां 70 शव कड्डे ते तकरीबन 1000 लोकें गी बचाया। केरल दे राज्यपाल आरिफ मोहम्मद खान ते ओआ दे राज्यपाल पी.एस श्री धरण पितलई होरें अज्ज वायनाड दा दौरा कीता।

<><><><><><>

Solar Roof top

साइंस एंड टेक्नोलाजी मैहकमे दे कमिशनर सैकरेटरी सौरभ भगत होरें कल श्रीनगर आले सिविल सेकटोरेट च इक बैठक लाई। जम्मू-कश्मीर च 100 फीसद ईमारतें दिएं छतें पर सौर उर्जा संयंत्र लाने सरबंधी कम्में-कारवाइयें दा जायजा लैता। बैठक दौश्रान कमिशनर सैकरेटरी होरें अक्षय उर्जा सेवा कंपनी मोड तैहत प्रदेश च सरकारी ईमारतें गी सौर उर्जा कन्नै जोडने सरबंधी कार्य योजना दी समीक्षा कीती। इस मौके उनें राष्ट्रीय पन-बिजली कारपोरेशन-NHPD-REL गी निर्देश दिता जे ओहू बक्ख-बक्ख सरबंधत धडें दी भूमिका ते जिम्मेदारिएं बारै 4 मतल्लका मैहकमें कन्नै समझौता पत्रें पर

दस्तखत करन ते म्हीने-म्हीने स्हाबै हासल प्रगति दा ब्यौरा साईस ते टेक्नोलाजी मैहकमें कन्नै सांझा करन। उनें ग्राएं च बिजलीकरण सरबंधी कारपोरेशन गी सलाह दिती ऐ जे ओहू प्रदेश च बपार कारोबार मतल्लक रास-पूंजी आहले सेमीनार दा आयोजन करन जेदे लेई मुल्लख भरै थमां निर्देशकें गी साहा दित्ता जाग। एहदे अलावा इनें REL गी इब्बी निर्देश दित्ता जे ओहू जम्मू-कश्मीर उर्जा दे सहयोग कन्नै जागरूकता ते समर्थ निर्माण आले कार्यक्रमें दा आयोजन करोआन। बैठक दौरान एहू जानकारी दिती गेई जे NHPC-REL गी एहू जिम्मेदारी दिती गेई ऐ जे ओहू प्रदेश च 2838 सरकारी ईमारतें गी सौर उर्जा कन्नै जोडै।

<><><><><><>

SP-Kishtwar

एसीडी किशतवाड फुलैल सिंह होरें पैहली अगस्त थमां 15 अगस्त तगर सुचिता संग्राम नां दा स्वच्छता पखवाडा शुरू करने दा ऐलान कीता ऐ। इस पैहलकदमी दा मकसद जिले च पर्यावरण दी साफ-सफाई लेई समुदायें दे जत्तें गी बधाना ऐ। एसीडी सिंह होरें किशतवाड दे बसनीकें ते सरबंधत धडें गी इस गतिविधि च रली-मिलिये हिस्सा लैने आस्तै आखेआ तां जे जिले गी साफ-सुथरा ते हरा-भरा बनाया जाई सकै। एसीडी सिंह होरें आखेआ।

<><><><><><>

Paris Olympics Events

पेरिस ओलंपिक्स 2024 खेडें च अज्ज भारत दे मुक्केबाज, निशानेबाज, तीरंदाज ते बैडमिंटन खडारी अपने-अपने मैच खेडूंङन। मुक्केबाज लवलीना बेरगोहेन होर जिनें टोक्यो च कैहू दा तगमा जित्तेआ हा, ओहू नारवे दी Suniva Hofstad हुंदे कन्नै मुकाबला करंगन। बैडमिंटन च पी.वी सिंधू लक्ष्य सेन दवें 16में राउंड च जाई पुज्जङन। पी.वी सिंधू होरें क्रिस्टिन कूबा गी 34एं मिटें च गै 21-5, 21-10 कन्नै हराई दित्ता। मर्दे दी सिंगल्स ग्रुप च लक्ष्य सेन नै इंडोनेशिया नै जोनाथन क्रिस्टी गी 21-18, 21-12 कन्नै शिकस्त दिती। निशानेबाजी च स्वपनिल कुसाले नै 590 दे स्कोर कन्नै मर्दे दे 50 मीटर राइफल मुकाबले दे फाइनल च थाहर बनाई लैती। ऐश्वर्य प्रताप 11मीं थाहर लेई 589 दे स्कोर कन्नै शीर्ष 8 च थाहर नेई बनाई सकै।

<><><><><><>

LS-Scindia

संचार मंत्री ज्योतिरादित्य सिंधिया होरें आखेआ जे 5मीं स्पेक्ट्रम निलामी 2023-24 च सरकारी खजाने च 11 ज्हार 340 करोड रपे थमां मते रपे दा राजस्व मिलेया। अज्ज लोकसभा च इक्क परता दिंदे होई सिंधिया होरें गलाया जे स्पेक्ट्रम निलामी 2023-24 मुख रूप थमां दूर संचार सेवा प्रदाताएं गी इस बरे समाप्त होने आहले स्पेक्ट्रम गी परतियै भरने ते मौजूदा मोबाइल सेवाएं गी बधाने दा अवसर देयै। सेवाएं दी निरंतरता बनाए रखने लेई आयोजित कीती गेई ही। उनें आखेआ जे निलामी 25 जून गी शुरू होई ते सत्तें दौरें दी बोली दे बाद 26 जून गी समाप्त होई। सिंधिया होरें आखेआ जे आरक्षित कीमतें दी सफारश, भारती दूर संचार नियामक प्राधिकरण, TRAI गी सौंपेया गेआ कम्म ऐ। TRAI इक्क स्वतंत्र नियामक ऐ।

<><><><><><>